

Uunga siunnersuut: Angallatit akileraarummik akiliisussaatitaanngitsut ikinnerulersin-niarlugit Umiarsualivimmieinnermut aamma umiarsuit takornarianik angallassissu-tit ilaasunik angallassinerannut akileraarutit pillugit Inatsisartut inatsisaanni nr. 20, 30. oktober 1992-imeersumi § 2-p allannguutissaatut siunnersummit Naalak-kersuisut saqqummiusseqqullugit, tassungalu atatillugu pineqartunut akileraaruti-gineqartussat amerlassusissaannik nalileeeqqeqlullugit peqquneqarnissaannik Inat-sisartut aalajangiiffigisassaattut siunnersuut.

(Inatsisartunut ilaasortaq Naaja Nathanielsen, Inuit Ataqatigiit)

Akissuteqaat

(Aningaasaqarnermut Naalakkersuisoq)

Siullermeerneqarnera

Naalakkersuisut maluginiarpaat aalajangiiffigisassatut siunnersuutip kalaallisuuata qal-lunaatuatalu allassimaneri assigiinngissuteqartut, siunnersuuteqartulli pisai tassaasut akit-suutit.

Naalakkersuisut siunnersuut tunngaviisigut tapersorsorpaat, aammalu Umiarsualivimmieinnermut aamma umiarsuit takornarianik angallassissutit ilaasunik angallassinerannut akileraarutit pillugit inatsimmi atuuttumi naleqqussorinannngitsoqarpat tamakku eqqumaffigineqarnissaat pingartillugu.

Umiarsualivimmieinnermut aamma umiarsuit takornarianik angallassissutit ilaasunik angal-lassinerannut akileraarutit pillugit inatsit nunatsinni umiarsualivinnut nunalinnermi atuisut akiliutaattut taasariaqarpoq. Assigiinngitsulli pissutigalugit angallatit ilaasa umiarsualivimmieinnermut akileraannginnissaat qangaaniilli aalajangerneqartarsimavoq. Tassa imaappoq akileraarut maanna atuuttoq atuisunit tamanit akilerneqartanngilaq.

Umiarsuit akileraarummik akiliisussatinneqanngitsut umiarsualiveqarfennik aserfallatsit-seqataasuupput. Illoqarfenni arlaqartuni umiarsualiveqarfennik nutaanik pitsaanerusunillu san-aartornissamut aningaasalersuinissamik pisariaqartitsilernissaq ilaatigut eqqarsaatigalugu, umiarsualiveqarfennik atuisut amerlanerusut aningaasartuutinik akileeqataasariaqarnerat Naalakkersuisut isumaqataaffigaat.

Umiarsualivimmieinnermut aamma umiarsuit takornarianik angallassissutit ilaasunik angal-lassinerannut akileraarutinik allannguinissaq siunissami aningaasaliisoqarumaarnissaanut ata-sumik pisariaqarpoq. Taamaammat Naalakkersuisut naliliipput akileraarutit aaqqissuussaaner-at siunnersuusiortoqannginnerani misissorluarneqartariaqartoq.

Tassunga ilutigitillugu akileraarutinik akitsuutinillu qaffaannginnissaq Naalakkersuisut an-guniagaannut ilaavoq.

Taamaammat Umiarsualivimmieinnermut aamma umiarsuit takornarianik angallassissutit il-aaasunik angallassinerannut akileraarutit pillugit Inatsisartut inatsisaata allanngortinneqarnis-saanik siunnersuuteqarnissaq ineqarneq, isumaginninnej akileraartarnerlu pillugit inatsisinik ataatsimoortillugit nutarterinissamut ilanngullugu saqqummiunneqarumaarpoq.

Naalakkersuisut taama oqaaseqarlutik siunnersuutip akuersissutigineqarnissaa inassutigaat.